

3 Yon

Gaius hitte Yon beleñ asañ kayyinj

¹ Be, kadne Gaius, ne Yesuyen alya bereyat parguwak gare ge niñ asañ gayen kañ gunenñ hime. Nebe geya Al Kurunyen mere fudinde goyen gama irde haryen geb, goke ge niñ amañenñ nurd gunenñ himyen.

² Be, kadne, gebe Al Kurunya awalikde po heñ beger wukkeek hayinj gwahade po, ulger manañ iginj po hayinj, irde metenñ tenñ hayinj kurunñ goyen wor iginj po hiwonñ yenñ Al Kurunñ gusunañ irde himyen.

³ Yesuyen alya bereya kura wañ ge niñ yenñ, “Yenbe Al Kurunyen mere fudinde go po kenkela gama irde kuñ hi,” ninke goke amañenñ wor po nurde gunminñ.

⁴ Nebe al kura Yesu niñ dufayminñ tarenñ irde dirinñe yara hitinj gore Al Kurunyen mere fudinde goyen po gama irde mata tenñ hañ yekeeb goke gab amañenñ wor po nurde himyen. Det hoyañ ninbe gwahade ma nurde himyen.

⁵ Be, kadne, gebe kadge yago farañ yurde hayen. Irde al go po monñ, al hoyañ kenkela ma nurd yunenñ hayen mar manañ farañ yurde hayen. Niñgeb matage gwahade goreb gebe beger mat fudinde wor po Yesu gama irde ha goyen kawan irde hi.

⁶ Mel go kurabe gar wañ ge beleñ mel goke amañenñ wor po nurde yuntinj goyen gar niñ Yesuyen alya bereya sios gayen momonñ dirañ.

Niņgeb al kura ge hitte waņbe gubul teņ naņa hoyande kuniņ tikeb Al Kurun beļen amanen nuryeņ mat faran jurde hayiņ.

⁷ Fudinde, mel gobe Yesu niņ meten teņ teņ ge naņa hoyande kuņ haņ gega, Yesu ma nurd unen haņ mar kura beļen faran ma jurde haņyen. Hubu wor po.

⁸ Niņgeb neņ Yesuyen alya bereya beļen al meten gwahade teņ kuņ haņ mar goyen gargar yirde faran jurde hitek. Gogab neņ manan Al Kurunyen mere fudinde goke meten teņ hite yeņ nurtek.

Diotrefesyen mata buluņ

⁹ Be, nebe bikkeņ deņ gor niņ Yesuyen alya bereya goke asan kaņ dunmiriņ. Goyenbe Diotrefesbe Yesuyen alya bereya gote doyaņ al heņ heņ ge po nurde hiyen geb, merene nurtek ma irde hiyen.

¹⁰ Niņgeb ne gor kuņ gab yeņ beļen yiya dirde usi mere fakamde duneņ hiyen goyen kawan po tagaleņ. Al gote mata buluņbe go muņ po moņ. Yesuyen alya bereya kadom Al Kurun niņ meten teņ kuņ haņ mar goyen gargar ma yirde hiyen. Irde kadom kura beļen Yesuyen meten mar goyen gargar yirtek beļen wor pet teņ hiyen. Irde faran jurde haņ mar goyen Yesuyen alya bereyat gabure waņ waņ niņ utaņ yirde hiyen.

Demitriusyen mata igiņ

¹¹ Be, kadne, mata buluņ teņ haņ mar goyen gama ma yirde hayiņ. Mata igiņ teņ haņ mar go po gab gama yirde hayiņ. Al kura mata igiņ teņ

hi al gobe Al Kurunyen al, munan al kura mata bulun ten hi al gobe Al Kurun ma nurd unen hi.

¹² Demitriusbe al budam belen turun irde hanen. Yenbe Al Kurunyen mere fudinde go po gama irde mata ten hiyen geb, matamin gore wor yenbe al igin goyen kawan irde hi. Nen wor yen ge igin mat tagalde hityen. Irke ge wor mereninin gobe fudinde yen nurde hayen.

¹³ Be, nebe mere budam momon girtek nurde hime gega, asande ma kayen.

¹⁴ Nebe hen ga ma kun genen. Irde genen gab mere giren yen nurde hime.

¹⁵ Bege kamke igin hayin. Kadge yago gar han ga wor ge nin nurde han. Munan Yesuyen alya bereya geya han goyen ne nin yen, “Yen belen den ge nurde hi,” yen yun kuren yun kuren momon yirde yukayin. Gogo po.

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 18 Mar 2025 from source files dated 31 Aug 2023

dbba218f-41f3-5f08-b0b6-2a7c919093ab